

بسم الله الرحمن الرحيم

Deset najpoznatijih nevakida Islama (djela koja poništavaju Islam) su:

Prvi nakid (djelo) koji izvodi iz Islama: Širk u 'ibadetu Uzvišenom Allahu. Kaže Uzvišeni Allah: {Allah, doista, neće oprostiti da Mu se širk učini, a oprostit će sve mimo toga kome On hoće!} [En-Nisa': 116], i kaže Uzvišeni: {Doista će Allah, onome ko mu učini širk, ulazak u Džennet zabraniti i boravište njegovo će biti vatra, a nasilnicima nećeš naći pomagača} [El Ma'ide: 72]. Od širka je prinošenje žrtve nekom mimo Allahu, kao džinnu ili kaburu.

Drugi nakid (djelo) koje izvodi iz Islama: Onaj ko između sebe i Allaha uzme posrednike koje doziva, moli, od kojih traži, i na koje se oslanja počinio je nevjerstvo po slaganju svih islamskih učenjaka.

Treći nakid (djelo) koje izvodi iz Islama: Onaj koji ne smatra mušrike nevjernicima, ili sumnja u njihovo nevjerstvo, ili smatra da je ono na čemu su ispravno - počinio je nevjerstvo.

Četvrti nakid (djelo) koje izvodi iz Islama: Ko smatra da je uputa pored upute Muhammeda, sallallahu 'alejhi ve sellem, bolja i potpunija od njegove upute, ili da je nečija

presuda bolja od njegove presude, kao onaj koji daje prednost sudu taguta nad njegovim sudom - je nevjernik.

Peti nakid (djelo) koje izvodi iz Islama: Ko prezire nešto od onoga sa čime je došao Allahov Poslanik, sallallahu 'alejhi ve sellem, pa makar i radio po tome – počinio je nevjerstvo.

Šesti (nakid) djelo koje izvodi iz Islama: Onaj koji se bude ismijavao i izrugivao sa nečim od vjere sa kojom je došao Allahov Poslanik, sallallahu 'alejhi ve sellem, ili sa nečim od Allahove nagrade i kazne - počinio je nevjerstvo, a dokaz za to su riječi Uzvišenog Allaha: {Reci: 'A zar da se sa Allahom i Njegovim ajetima i Poslanikom Njegovim ismijavate!' 'Ne ispričavajte se! Doista ste postali nevjernici nakon vjerovanja'} [Et-Tevba: 66-65].

Sedmi nakid (djelo) koje izvodi iz Islama: Sihir, a od toga je sihr sa kojim se razdvajaju supružnici ili sihr sa kojim se spajaju čovjek i žena. Onaj ko to bude radio ili bude s time zadovoljan počinio je nevjerstvo, a dokaz za to su riječi Uzvišenog Allaha: {A njih dvojica nisu nikoga učili dok mu ne bi rekli: 'Mi smo samo iskušenje, i ti ne budi nevjernik!'} [El Bekara: 102].

Osmi nakid (djelo) koje izvodi iz Islama: Potpomaganje i podržavanje mušrika protiv muslimana, a dokaz za to su

riječi Uzvišenog Allaha: {A onaj među vama koji ih za zaštitnike prihvati je od njih; Allah uistinu neće ukazati na pravi put narodu nepravednom} [El Ma'ida: 51].

Deveti nakid (djelo) koje izvodi iz Islama: Onaj ko bude ubijeden da je dozvoljeno nekome od ljudi izlaziti iz Šerijata koji je objavljen Muhammedu, sallallahu 'alejhi ve sellem, kao što je bilo dozvoljeno Hidru da izađe iz šerijata Musa'a, 'alejhi selam, takav je počinio nevjerstvo.

Deseti nakid (djelo) koje izvodi iz Islama: Okretanje od Allahove vjere ne učeći je niti radeći po njoj, a dokaz za to su riječi Uzvišenog Allaha: {A ima li nepravednijeg od onoga koji, opomenut riječima Gospodara svoga, njima leđa okrene? Mi ćemo, zaista, kazniti zlikovce!} [Es-Sedžda: 22].

* Nema razlike u svim ovim djelima između onoga ko to radi iz šale, namjerno i ozbiljno, ili iz straha, osim onaj ko je na to prisiljen. I sva spomenuta djela su veoma opasna i često se u njih upada, tako da je obaveza na muslimanu da ih se pripazi i boji za sebe od upadanja u neka od njih. Utječemo se Allahu od uzroka Njegove srdžbe i Njegove bolne kazne.

Neka je Allahov mir i spas na Njegovo najodabranije stvorenje Muhammeda, njegovu časnu porodicu, i na ashabe.

مكتبة
الهمة

MEKTEBETUL-HIMMA

DJELA KOJA PONIŠTAJU ISLAM

ŠEJH MUHAMMED IBN 'ABDIL-VEHĤĀB

رحمته

REDŽEP,
1437.